



Synfocity = 1001

mail us at : mzsynfo@gmail.com; mizoramsynod@gmail.com - Phone - 2314648

September 4, 2025

❑ Synod Finance Committee vawi 155-na an þu

September 3, 2025 (Nilaini) chawhma dar 10 khan J.M. Lloyd Hall, Synod Office-ah Synod Finance Committee vawi 155-na an þu.

Meeting hi Synod Moderator, Rev. R.C. Lalngakliana'n a kaihrui a, Rev. Dr. K. Lallawmzuala, Finance Officer-in report a pe. Report-ah hian Bial leh Kohhran hrang hrangah Account Training leh Finance Campaign neih a nih thu te, May 22, 2025-a Bial Treasurer-te puala training neih a nih thu te, kum 2024-2025 chhunga Synod sum Audit zawh a nih thu te, IT Sub Committee hmalakna hrang hrang te leh April 2024-August 2025 chhunga sum dinhmun te tarlan a ni.

Tun tumah hian thu ngaihtuah tur agenda panga chhawp chhuah a ni.

❑ Synod Higher Secondary School-a RCC Underground Water Tank leh Counselling Room hawna leh Pathian hnena hlanna

September 1, 2025 (Thawhtanni) chawhnu dar 2 khan, Synod Higher Secondary School-a RCC Underground Water Tank thar chu AMC Executive Corporator, Pu Lalringliana'n a hawng a, Rev. Dr. Rosiamliana Tochwang, Synod Executive Secretary-in Pathian hnena hlanna hun a hmang bawk.

Programme hi Pu Lalremchhunga Pachuau, Synod Higher Secondary School Vice Principal-in a kaihrui a, Pu K. Lallianzuala, Principal-in lawmthu sawi a bawk.

RCC Underground Water Tank hi tui litre nuai khat leh singkua (1,90,000 litres) dawn khawl theihna hi Aizawl Municipal Corporation-in Synod Higher Secondary School tana a thlawna a siamsak a ni. July, 2024-ah a siam hna thawk tanin, December, 2024-ah hna zawh fel a ni a. Water Tank hi cheng nuai sawmhni leh pali (Rs. 24,00,000/-) senga siam a ni.

Tin, hemi rual hian, Synod Higher Secondary School Counselling Room thar chu Rev. Dr. Rosiamliana Tochwang, Executive Secretary i/c Education chuan hawngin, Pathian hnena hlanna hun a hmang bawk.

❑ Church Leaders' Pastoral Counselling Training

August 25-September 1, 2025 chhung khan Family Guidance & Counselling Centre (FG&CC) buatsaih, Church Leaders' Pastoral Counselling Training vawi 41-na neih a ni.

Training-ah hian Sihphir Vengthar Bial, Ramhlun Bial, Kulikawn Bial, Khatla Bial, Vaivakawn Bial, Sakawrtuichhun Bial, Luangmual Bial leh Electric Veng Bial atangin kohhran aiawh mi 21 an tel.

August 25, 2025 (Thawhtanni) zan khan training hawna inkhawm hi Pi Zaii Hall, Synod Conference Centre-ah neih a ni a. Inkhawm hi Rev. Lalsangbera, Resource Person-in a kaihrui a, Rev. Lalthangpuia Fanai, Director-in inlawmna neiin report a pe a, Rev. B. Zohmangaiha, Synod Secretary-in training programme hi hawngin thuchah a sawi a ni.

Training kharna inkhawm hi September 1, 2025 (Thawhtanni) zan khan neih a ni a, Rev. Lalthangpuia Fanai, Director, FG&CC-in a kaihrui a, inlawmna leh lawmthu sawina Rev. Dr. K.M. Vanlalpeka, Resource Person-in a nei a, Rev. Dr. K. Lallawmzuala, Executive Secretary-in training chhuakte hnenah Certificate semin thuchah a sawi. Trainee-te hian an hlawkpui dan a lema an ziak chu entirin an hrilhfiah a, trainee-te aiawhin Upa Upa K. Lalhmingliana'n thu tawi a sawi bawk. Rev. Dr. L.H. Rawsea, committee member-in Trainee-te tana tawngtaisakna hun a hmang a ni.

Synod hian Counselling Centre 9 - Mission Veng, Bawngkawn, Vaivakawn, Champhai, Serchhip, Kolasib, Lunglei, Mamit leh Khawzawlah te a nei a, heng Counselling Centre pakuaah hian August 7, 2025 thlenga pantu (client) an neih tawh zat chu 83,243 a ni a, kumin 2025 bikah mi 3,229 an nei tawh a ni.

FG&CC hian Pastor leh Kohhran hruaitute puala Counselling Training a buatsaih þin bakah Kohhran mal, Bial huap, Presbytery huap leh District khawpuiah te Kristian Chhungkaw Seminar, Campaign leh Counselling Awareness Campaign te a buatsaih þin bawk.

❑ Finance

September 6-7, 2025 chhung hian Saitual Bialah Finance Campaign nei turin thawktute, Upa F. Lalhmangaiha, Upa David Lalnunfela leh Upa C. Lalbiakthanga te an kal ang.

Contd...

☐ **Beihruai**

Kumin 2025 Beihruai thla kan lo thleng leh ta a, Beihruai programme hi September 1 aţang khan hman ţan a ni a, Beihruai chhung hian Ramthar Hapta leh Kristian Chhungkaw Hapta bakah kohhran inpumkhatma chungchang kan zir dawn a ni. September 1-7 chhung hian 'Ramthar Hapta' hman a ni a, ni 8-21 chhungin 'Kohhran inpumkhatma' chungchang zir a ni ang a, ni 22-28 chhungin 'Kristian Chhungkaw Hapta' hman a ni ang a, ni 28 (Pathianni)-ah 'Nu leh Pa Ni leh Kristian Chhungkaw Ni' hman a ni ang.

Beihruai hi kum 1918 June thla aţanga hman ţan a ni a. A tir lamah chuan January thlaah te, April thlaah te hman ţhin a ni a, kum 1925 aţangin September thlaah neih ţhin a ni. Kum 1947 aţangin Nilai Zan Thupui Bu leh Beihruai Thupui hi bu khata siam ţan niin kumin hi Beihruai kan hman kum 107-na a ni.

☐ **Trust**

◆ September 3, 2025 (Nilaini) khan Nisapui Pastor Quarters leh Rengtekawn Pastor Quarters cheiţhat tur en felin Pu Lalramenga Royte, J.E. a kal.

◆ September 4, 2025 (Ningani) hian Tuidam Pastor Quarters ramri en felin Upa Thangliankhuma, A.E. leh Pu J. Malsawma, O.A te an kal.

☐ **Kohhran Hmeichhia**

September 6, 2025 (Inrinni) hian Synod Conference Centre, Mission Vengah Central Kohhran Hmeichhe buatsaihin HIV/AIDS hlauhawmzia inzirtirna Trainers' Training neih a ni dawn a. Hemi hunah hian NexGen Organization aţangin mi thiamten hun an hmang ang.

☐ **MSSU**

September 6, 2025 (Inrinni) hian Sunday School zirtirtu training neihpui turin trainer-te hetiang hian an chhuak ang:

Kolasib Hmarveng Kohhran : Upa Hrilthansanga, Upa Isak Zanzoliana Chhangte leh T. Upa B. Malsawmtluanga
Lungsen Kohhran : Upa K. Zoremsanga leh Upa C. Lalbiaksanga

☐ **Mizoram Christian College (MCC)**

◆ August 26, 2025 (Thawhlehi) khan Department of Management, 3rd Semester leh 5th Semester zirlaite tan 'Advertising and Content Marketing' tih thupui hmangin Special Lecture neih a ni a. He hunah hian Industry Professional Angela Roy leh a team-ten hun an hmang. (insert pic..mcc 1)

◆ August 27, 2025 (Nilaini) khan Department of Management, 5th Semester zirlaite tan Off-Campus Class neiin Falkland Park-ah hun an hmang a. He hunah hian Falkland Park neitu Pu Matthew Sailo te nupa hnen aţangin 'Customer Relationship Management (CRM)' chungchanga pawimawh hrang hrang ngaihthlak a ni.

◆ August 28, 2025 (Ningani) khan Department of Management, 1st Semester zirlaite chuan Mizoram University-ah 'Media, Garbage and Environment' tih thupui hmanga Workshop neih chu an chhim a. He hunah hian Resource Person atan Dr. Sayan Dey, Department Chair of English Studies, Bayan College (affiliated with Purdue University Northwest), Oman chu hman a ni a, ani hnen aţang hian Media, Garbage leh Environment chungchanga hriat tur pawimawh hrang hrang ngaihthlak a ni.

◆ August 28, 2025 (Ningani) khan Department of Commerce, 1st Semester zirlaite chuan Commissioner of State Tax, Registrar of Firms & Societies Office an tlawh a. He hunah hian Pu H.K. Lalhawngliana, Commissioner of State Tax chuan Firms and Societies chungchang te, GST chungchang te leh thil pawimawh dangte a sawi a ni.

◆ September 1, 2025 (Thawţanni) khan Devotion hunah Pi Lalfakawmi, Coordinator, Mizoram Social Defence & Rehabilitation Board (MSD&RB)-in hun a hmang a. He hunah hian Pi Lalfakawmi chuan 'Life Skills' tih thupui hmangin zirlaite chu an mi mal nuna hma an sawn theih dan tur hrang hrang a sawi a ni

☐ **Sunna : Rev. Chawnghranga, Kum 82**

Rev. Chawnghranga hi March 1943-ah Neihloh khuaah a lo piang a, unau pakua an ni. Kum 1973 May thla khan Pi Lalţanpuii nen an innei a, fapa 3 leh fanu 2 an nei.

Kum 1976-1980 chhungin Aizawl Theological College-ah B.Th. a zir a, kum 1980 Synod Inkhawmpui chuan Pro. Pastor atan a la a, kum 1983-a Mission Venga Synod Inkhawmpui chuan Pastor atan a nemnghet a ni. Sialsûk Biala Pastor hna a thawh laiin kum 1988 khan BD a pass leh bawk. Kum 2004 khan pension-in a chhuak a ni.

Pastor hna a thawh chhung hian bial hrang hrang Mamit bial, Phuldungsei bial, Sialsuk Bial, Moirang (Manipur), Manipur Field Secretary (Imphal) leh Ramhlun South Bialah te a awm tawh a. Nupa tuak 224 a inneihtir a, mi 2,081 baptisma a chantir bawk.

Synod Committee peng hrang hrang - Synod Mission Board, Manipur Presbyterian Mission Committee, Synod Executive Committee, Synod Finance Committee, Synod Hospital Board te bakah Para Church hrang hrangah te pawh committee member a lo ni tawh a ni.

Pastor leh Upate nena thawh hona tha neih duh mi a ni a, kohhran enkawl leh Kohhran rorelna (Church Court) hi a ngai pawimawh em em a ni.

Kum 2012 atang khan Lung tha lo a nei tih hriat a ni a, kum 2018 Good Friday khan Pulpit-a a thusawi lai chu nikhawhrelavin a tlu a, Civil Hospital-ah admit nghal a ni a. Kumin 2025 June 11 zing kar khan Bathroom-a a inthiar chu nikhawhrelavin a tlu leh a, Civil Hospital-ah kalpui niin, a lung valve pakhat a lo chhiat belh leh tih hriatchhuah a ni. Thil a ei theih loh avangin a taksa a chak lo telh telh a. August 26 chhuna khuma a mu lai chu nikhawhrelavin a awm leh a, Greenwood Hospital panpui a ni a, HDU-ah luh a ni a. August 30 (Inrinni) chhunah Cabin-ah sawn chhuah a ni a, September 1 zing dar 1:30 velah a thawk a hah tan a, Oxygen level sang bera pek a ni chung pawhin hma a sawn thei ta meuh lo a. Doctor leh Nurse ten a nunna chhan tumin theihtawp an chhuah chungin September 1, 2025 zing dar 9:05 khan a rawng a bawl thin Lalpa hnenah a chawl ta a ni.

September 2, 2025 (Thawhlehi) chawhnu dar 1:00 khan Ramhlun Vengthar Kohhran Biak Inah Rev. R.C. Lalngakliana, Synod Moderator-in a vui a ni. (visit www.mizoramsynod.org)

☐ **FM Zoawi - Aizawl & Lunglei : Hruaina Eng Radio Programme**

September 5, 2025 (Zirtawpni) @ 7:30 p.m. : FAK HLA HUANG

Solo : Christina Vanramnghaki - Rohlu Isua, Amen ka pe lo thei lo che, **Thusawi :** Lalmangaihzuala leh a Thiante - Thianho titi, **Solo :** Christina Vanramnghaki - It is well

☐ **Su Samachar Prasaran Programme :**

September 7, 2025 (Pathianni) 5:30 pm. :

Group/Choir/Solo : Bawngkawn Kohhran Masihi Sangati Zaipawl - Bara Pyaar

Sermon : F. Rosangpuii

Group/Choir/Solo : Synod Mission Choir - Teri jay jay kar

☐ **Hruaina Eng TV Programme**

04.9.2025 (Ningani) 08:30 pm : Thupui zir bing

05.9.2025 (Zirtawpni) 05:00 pm : Kristian Naupang Pual

06.9.2025 (Inrinni) 05:30 pm : Puitling Sunday School Zirlai

07.9.2025 (Pathianni) 07:00 am : Sermon - Rev. C. Lalremzuala

08:00 am : Weekly round up

09.9.2025 (Thawhlehi) 06:00 pm : Nilaini zan thupui

08:30 pm : Kohhran Chanchin - Tuithiang Kohhran

☐ **Moderator leh Executive Secretary-te Programme:**

Rev. R.C. Lalngakliana : Moderator

Sept.6-7, 2025 Zemabawk Bial, Chawnpui Bial leh Ramhlun North Bial

Sept. 10-11, 2025 Barak Area Committee, Silchar

Rev. V.L. Luaia Hranleh : Senior Executive Secretary

Sept. 7, 2025 Central Jail - Prison Ministry programme

Sept. 10-11, 2025 Barak Area Committee, Silchar

Rev. Dr. K. Lallawmzuala : Executive Secretary

Sept. 7, 2025 Zonuam East Kohhran - Literature Campaign (zan)

Sept. 11, 2025 Rescue Home Committee

Sept. 12, 2025 Hmangaihna In Managing Committee

Rev. Dr. Rosiamliana Tochhawng : Executive Secretary

Sept. 4-12, 2025 Field Committee - Siliguri, Nepal, Delhi leh Odisha Field

